

Surat khabar: Utusan Borneo (Tempatan)

Hari/Tarikh: 11/11/2016

Muka surat: 6

Tajuk : UNIMAS sambut konvokesyen ke-20, catat sejarah peningkatan graduasi



BINCANG: Mohamad Kadim (dua kanan) menyatakan sesuatu kepada Kopli (dua kiri) sambil disaksikan Wan Hashim (kanan) dan Abu.

## UNIMAS sambut konvokesyen ke-20, catat sejarah peningkatan graduasi

**KUCHING:** Majlis konvokesyen Universiti Malaysia Sarawak (UNIMAS) Ke-20 tahun ini mencatatkan sejarah baharu dengan peningkatan jumlah graduan menerima ijazah merangkumi pelbagai peringkat pengajian.

Naib Canselor UNIMAS Profesor Datuk Dr Mohammad Kadim Saudi berkata konvokesyen yang bermula 14 hingga 17 November bertempat di Dewan Tunku Abdul Rahman Putra (DeTAR) ini bakal menyaksikan 4,275 graduan diraikan.

Beliau berkata daripada jumlah itu, 404 adalah graduan pascasiswazah dan selebihnya 3,871 graduan prasiswazah.

Pada konvokesyen kali ini juga katanya bilangan graduan doktor falsafah paling tinggi pernah dihasilkan

UNIMAS iaitu seramai 67 orang berbanding 41 orang tahun lalu.

“Tahun ini kita mahu melaporkan satu peningkatan signifikan graduan kita. Buat pertama kalinya kita telah melebihi 4,000 orang atau angka tepat, 4,275 graduan.

“Itu satu angka paling tinggi sekali semenjak penubuhan UNIMAS dan setelah hampir 25 tahun kita diwujudkan,” katanya pada sidang media mengenai majlis konvokesyen UNIMAS ke-20 di sini semalam.

Hadir sama Timbalan Naib Canselor (Penyelidikan dan Inovasi) Profesor Dr Kopli Bujang, Timbalan Naib Canselor (Akademik dan Antarabangsa) Profesor Dr Wan Hashim Wan Ibrahim dan Pendaftar UNIMAS Abu

Bakar Ibrahim.

Mohamad Kadim turut memberitahu majlis konvokesyen akan berlangsung sebanyak empat sidang bermula 14 iaitu pengisytiharan majlis yang disempurnakan Yang di-Pertua Negeri Tun Pehin Sri Abdul Taib Mahmud.

Katanya pada sidang pertama itu juga penganugerahan Ijazah Kehormat Doktor Falsafah (Transformasi Komuniti Luar Bandar) kepada Datuk Patinggi Tan Sri (Dr) Alfred Jabu Numpang.

Anugerah itu katanya sebagai satu pengiktirafan sumbangan besar Jabu kepada pembangunan negeri Sarawak khususnya kawasan luar bandar.

Selain itu katanya sidang pertama Anugerah Kecemerlangan Akademik akan di-

anugerah kepada graduan kedoktoran kesihatan, Dr Deshi Baha Raja diikuti beberapa penyampaian anugerah lain iaitu Anugerah Pelajaran Diraja, Anugerah Canselor dan Anugerah Pro Canselor.

“Seperti konvokesyen sebelum ini, Festival Konvokesyen 2016 atau UNIMAS Confest 2016) akan diadakan bermula esok (hari ini) hingga 19 November dengan majlis perasmian diadakan 12 November di Dataran Universiti UNIMAS jam 7.30 malam,” katanya.

Beliau menambah antara aktiviti yang dimuat dalam UNIMAS Confest 2016 ialah citrawarna, pertandingan nasyid, mewarna tadika, karnival sukan, joran pesta konvo, festival muzik dan pesta buku konvo.